

TERMA DAN SYARAT

PERADUAN VIDEO 'JIWA MERDEKA AGROBANK'

A. Maklumat Peraduan

- 1 Peraduan video sempena Sambutan Bulan Kemerdekaan ini adalah inisiatif Jabatan Komunikasi Korporat, Agrobank.
- 2 Peraduan ini dianjurkan secara dalam talian melalui media sosial TikTok Agrobank. Peserta yang berminat untuk menyertai Peraduan ini perlu memuatnaik video **2 rangkap pantun** melalui platform TikTok menggunakan fungsi 'stitch' di video Peraduan Agrobank sempena Hari Kemerdekaan ke 67 dengan hashtag **#Agrobank** dan **#PeraduanJiwaMerdekaAgrobank**.

B. Tarikh Dan Tempoh Peraduan

- 1 Peraduan ini akan bermula pada **31 Ogos 2024 sehingga 16 September 2024**.
- 2 Agrobank berhak menukar atau meminda tarikh dan Tempoh Peraduan (sekiranya perlu).
- 3 Pemenang Peraduan ini dijangka akan diumumkan pada **Oktober 2024**.

C. Terma Dan Syarat Peraduan

- 1 Setiap peserta dibenarkan untuk menyiarkan lebih daripada satu (1) penyertaan di media sosial TikTok.
- 2 Setiap peserta **perlu melaksanakan perkara berikut** untuk menyertai Peraduan ini:
 - 2.1 'Like' dan 'Share' post ini.
 - 2.2 'Follow' akaun rasmi Agrobank di TikTok (@AgrobankTv).
 - 2.3 Memuatnaik video **2 rangkap pantun** melalui platform TikTok menggunakan fungsi 'stitch' di video Peraduan sempena Hari Kemerdekaan ke 67 berserta hashtag **#Agrobank & #PeraduanJiwaMerdekaAgrobank**
 - 2.4 Tag tiga (3) rakan di ruangan kapsyen.
 - 2.5 Kod Pemakaian, Kapsyen & Had Umur:
 - i. Kod Pemakaian dan kapsyen yang mematuhi syariah (bagi yang beragama Islam);
 - ii. Berpakaian sopan (longgar/tidak ketat sehingga menampakkan susuk tubuh badan) serta kapsyen yang tidak menyentuh sebarang sensitiviti kaum dan agama.
 - iii. Tiada had umur peserta yang ingin menyertai Peraduan ini

2.6 Cara muat naik video yang diambil:

- i. Sila muat naik video di media sosial TikTok peserta (**berstatus umum/public**) dan
- ii. **Wajib** meletakkan kedua-dua hashtag#: **#Agrobank** dan **#PeraduanJiwaMerdekaAgrobank**

D. Hadiah

1. Agrobank akan memilih pemenang daripada peserta yang memenuhi Terma dan Syarat Peraduan ini.
 - i. **Hadiah Utama: 3 pemenang***
 - ii. **Hadiah Saguhati: 5 pemenang***
**tertakluk terma & syarat*
2. Tawaran hadiah adalah sepertimana berikut:
 - i. **3 pemenang utama** akan menerima *Gold Wafer* masing-masing iaitu 5gram (Tempat Pertama), 3gram (Tempat Kedua) dan 1gram (Tempat Ketiga) berserta barangan eksklusif Agrobank.
 - ii. **5 pemenang saguhati** akan menerima barangan eksklusif Agrobank.
3. Agrobank berhak untuk menggantikan hadiah sedia ada dengan hadiah lain yang sama nilainya (sekiranya perlu). Sebarang perubahan hadiah, akan dimaklumkan terlebih dahulu kepada pemenang.
4. Wakil tidak dibenarkan untuk membuat tuntutan hadiah bagi pihak pemenang dan hadiah tidak boleh dipindah milik kepada pihak ketiga.

E. Pemilihan Pemenang

1. Penentuan pemenang adalah ditetapkan oleh Agrobank berdasarkan kepada penyertaan video yang kreatif dan sesuai dengan tema Sambutan Hari Kemerdekaan dan Hari Malaysia serta menggunakan **#Agrobank** dan **#PeraduanJiwaMerdekaAgrobank**.
2. Pemenang akan dihubungi melalui semua laman media sosial rasmi Agrobank dan perlu membawa kad pengenalan semasa penebusan hadiah. Wakil tidak dibenarkan untuk proses penebusan.
3. Agrobank TIDAK akan bertanggungjawab sekiranya pemenang tidak dapat dihubungi dan/atau gagal menghubungi kembali Agrobank bagi urusan tuntutan hadiah di dalam tempoh empat belas (14) hari bekerja dari tarikh pengumuman dibuat.
4. Agrobank berhak memilih pemenang yang layak daripada senarai menunggu atau simpanan sekiranya pemenang yang telah dipilih tidak dapat dihubungi di dalam masa empat belas (14) hari bekerja selepas pengumuman di laman web dan media sosial Agrobank, enggan menerima hadiah, atau atas sebab-sebab munasabah lain yang membolehkan Agrobank memilih pemenang lain dari senarai menunggu

5. Semua keputusan nama pemenang adalah muktamad. Sebarang pertikaian, rayuan dan bantahan berhubung keputusan tersebut tidak akan dilayan atau dipertimbangkan.

F. Lain-Lain

1. Dengan menyertai Peraduan ini, peserta dianggap telah membaca, memahami dan bersetuju untuk menepati Terma dan Syarat yang terkandung di sini, termasuk keputusan yang dibuat oleh pihak Agrobank yang dianggap muktamad, terikat dan menyeluruh.
2. Agrobank dibenarkan untuk mencetak atau menyiarkan nama dan gambar peserta untuk tujuan promosi di dalam akhbar, majalah, laman web Agrobank, atau mana-mana saluran media yang bersesuaian.
3. Agrobank berhak menolak dan/atau membatalkan penyertaan mana-mana peserta yang didapati melanggar syarat-syarat yang dinyatakan di sini, penyertaan yang tidak lengkap dan/atau penyertaan yang lewat dari tarikh yang dinyatakan. Peraduan ini **tidak terbuka** kepada warga kerja Agrobank.
4. Agrobank berhak untuk meminda, mengubah dan/atau memansuhkan Terma dan Syarat ini atau melanjutkan, membatalkan, menamatkan atau menangguhkan Peraduan ini, pada bila-bila masa, atas budi bicara penuh dan mutlakanya. Apa-apa perubahan pada peraduan ini boleh dimaklumkan kepada peserta melalui kaedah yang dianggap sesuai oleh Agrobank dengan notis sekurang-kurangnya dua puluh satu (21) hari sebelum apa-apa perubahan dibuat, tidak terhad kepada pemberitahuan di laman web Agrobank atau platform media sosial Agrobank.
5. Dengan menyertai Peraduan ini, peserta dengan ini bersetuju serta memberi kebenaran kepada pihak Agrobank, termasuk untuk mengumpul, menyimpan, menggunakan atau memproses nama, nombor pengenalan diri/pasport dan imej atau lain-lain butiran ("Data Peribadi") (jika perlu), bagi menjayakan Peraduan ini, dan tidak terhad bagi tujuan mengumumkan dan memaparkan Data Peribadi peserta di laman web Agrobank bagi tujuan pemasaran atau publisiti (sekiranya berkaitan). Peserta tidak berhak untuk menuntut pemilikan atau lain-lain bentuk ganti rugi ke atas butiran tersebut. Peserta juga bersetuju untuk terikat dengan notis PDPA Agrobank yang dipaparkan di laman web Agrobank (www.agrobank.com.my). Apa-apa perkara berkaitan Data Peribadi berhubung dengan peraduan ini hendaklah ditadbir berdasarkan Akta Perlindungan Data Peribadi 2010 dan undang-undang Malaysia yang berkaitan.

Nota: Peserta/pemenang adalah dinasihatkan untuk mengambil langkah berjaga-jaga apabila menerima sebarang permintaan bagi Data Peribadi dan boleh menghubungi Agrobank bagi tujuan pengesahan berkenaan peraduan ini.

6. Untuk maklumat lanjut mengenai Peraduan ini, sila hubungi Pusat Panggilan Agrobank di 1-300-88-2476 atau layari laman sesawang kami di www.agrobank.com.my
7. Peraduan serta Terma dan Syarat ini hendaklah tertakluk dan ditafsirkan oleh undang-undang Malaysia serta di bawah bidang kuasa eksklusif mahkamah di Malaysia.

<Tamat>

Disediakan oleh : Jabatan Komunikasi Korporat